



## **ZAPISNIK**

PROJECT TITLE: NEXT DESTINATION BALKANS: AGRITOURISM LANDSCAPES DEVELOPMENT (LANDS)

PROJECT NUMBER: 585833-EPP-1-2017-1-RS-EPPKA2-CBHE-JP

ACTIVITIES: 7.2 Institutional coordinators meeting - preparation of the final conference

4.5 Preparation of the Winter School of Agritourism

DATE: 28.1.2021. and 29.1.2021.

VENUE: Faculty of Agriculture and Food Science University of Sarajevo, UNSA, Sarajevo, BiH

## **ZAPISNIK O ODRŽANOM SASTANKU**

**NAZIV AKTIVNOSTI:** Radni sastanak LANDS projekta – priprema završne konferencije

**MJESTO I VRIJEME ODRŽAVANJA:** Poljoprivredno prehrambeni fakultet Univerziteta u Sarajevu, SERDA, Zmaja od Bosne 8 u Sarajevu, 28.1.2021. and 29.1.2021. godine





## **I radni dan**

Prvi radni dan je počeo prema planiranom rasporedu u agendi u 9:30h. Neposredno pred početak zvaničnog dijela sastanka obavila se registracija učesnika za taj dan. Dnevni red sastanka sa sadržajem je dostavljen svim učesnicima, a zatim su uslijedile aktivnosti.

- Koordinator LANDS projekta dr. Nebojša Zlatković i prof. dr. Sabahudin Bajramović (koordinator projekta ispred UNSA) su otvorili sastanak pozdravljajući prisutne. Nakon otvaranja sastanka, koordinator je ukratko predstavio plan rada za naredna dva dana. U nastavku se posvetio detaljnom usmenom izvještaju o stanju na projektu, te pristiglim informacijama o održanim obukama. Istakao je kako je realizacijom projekt premašen planirani broj obučanih potencijalnih i aktivnih učesnika u agroturizmu. Ocjene koje su pristigle na osnovu evaluacije kurseva su veoma pozitivne. Zaključio je da je kvalitet izvedenih kurseva, prema svemu sudeći na veoma zadovoljavajućem nivou.
- Nakon retrospekcije o urađenom, koordinator je dao svim prisutnim priliku da iskažu svoje utiske o obavljenim obukama i mogućnost da sa svima podjele svoja iskustva. Pojedinačno su koordinatori izlagali iskustva svih učesnika iz svojih institucija. Zajednički je utisak da su primjenjene metode, koje su usmjerene na edukaciju odraslih, bile veoma korisne kao vještine usvojene u okviru obuka kroz LANDS projekt. Iako je većina učesnika iskusna u izlaganjima i održavanju predavanja, neke nove usvojene transverzne vještine su bile veoma korisne.
- Svi partneri su bili zadovoljni sa urađenim obukama. Napomenuto je kako je izvođenje obuka bilo izuzetno otežano uslijed pojave COVID pandemije, ali je dio obuka, uspješno održan on-line putem. Istaknuto je da su od učesnika i usmeno dobijali uglavnom veoma pozitivne povratne informacije. Kursevi su za učesnike bili dobro strukturirani, sa sažetim, konkretnim gradivom usklađenim sa njihovim potrebama.
- Također, zajednički je zaključak da postoji prostor za dalje unapređenje kurseva, te da se isti trebaju konstantno obnavljati i pratiti savremene trendove u svojoj oblasti. Isto tako, istaknuta je mogućnost i daljeg formiranja kurseva u skladu sa potrebama budućih edukacija, ukoliko se za nekom temom posebno ukaže potreba.
- Veliki dio partnera je, u skladu sa epidemiološkom situacijom, međusobno sarađivao prilikom izvođenja obuka, zbog čega je izraženo posebno zadovoljstvo svih učesnika projekta. Međusobnom saradnjom i daljim kontaktom za sve buduće polaznike ovih kurseva bit će moguće obezbijediti najkvalitetniji dostupni kadar unutar ovoga konzorcija.





Nakon duže razmjene iskustava u vezi održanih kurseva uslijedila je pauza nakon koje je uslijedio kratki prikaz Zimske škole agroturizma sa informacijom o dosadašnjem napretku u organizaciji škole.

Popodnevna sesija je bila tematski nastavak prvog dijela sastanaka. Kolegica Violeta Rakić je prikazala metodiku obuke koja će se koristiti na obukama u okviru Zimske škole agroturizma". Ovaj uvid je poslužio kao primjer dobre prakse izvođenih kurseva, sa odlično pripremljenom dokumentacijom. Također, učesnici su imali zadatak dati eventualne sugestije, ukoliko smatraju da bi se u pojedinim segmentima izvođenje kursa moglo unaprijediti.

Na kraju dana, koordinator Nebojša Zlatković je ukratko rezimirao današnji sastanak, te najavio tematski dan za sutra u vezi organizovanja završne konferencije LANDS projekta.





## **II dan**

Drugi radni dan je u potpunosti bio posvećen planiranju završne konferencije koja će se održati u Leskovcu. Bilo je neophodno dogovoriti detaljnu agendu za finalna dva dana. Također, dogovaranje je ko će od partnera predstavljati koji dio rezultata projekta. Nadalje, predloženi su svi gosti konferencije koji bi trebali da učestvuju u svečanom i radnom dijelu konferencije. S tim u vezi rečeno je da će konferenciji prisustvovati politički predstavnici vlasti, nevladine organizacije, te poljoprivredna i turistička udruženja. Također, rečeno je da je poziv je upućen većem broju turističkih zajednica, naročito u Južnoj Srbiji. Potvrđeno je da će biti pozvan veći broj medija koji će na taj način promovisati LANDS projekt. Unutar konzorcija, dogovoreno je da svako od partnera pozove organizacije, privredna, te fizička lica sa kojim imaju blisku saradnju, a zainteresovani su za izlazne rezultate LANDS projekta, kao i eventualnu buduću saradnju. Također, dogovoreno je da će se u narednom periodu veoma intenzivno komunicirati među partnerima, kako bi se što prije formirala definitivna lista izlagača i učesnika u planiranoj dvodnevnoj konferenciji.

Zapisnik vodio: Emir Bećirović

Sarajevo, 29.01.2021.

